

浙江圖書館





浙江圖書館





浙江圖書館





浙江圖書館





浙江圖書館





浙江圖書館





浙江圖書館





浙江圖書館

浙江圖書館

浙江圖書館

浙江圖書館




海昌外志

藝文志

三代而下聲華日著家驥人豈不以地限寧雖編小亦絃誦鉛槧之區也晉隋以降益斌斌稱盛隆哉第所遭各殊或傳或不傳安得比而同之楊用脩云顧况詩遠寺吐珠閣春潮浮綠煙二語情景妙絕雖入文選可也然况集不載因知古人詩文雖全集亦有遺者今吾寧藝文概如此噫菟隱攷逸要在後人或可得其十一矣作藝文志

典籍

千寶周禮注十二卷答孫略周禮駁難五卷七廟議一卷禮記雜議五卷後養議一卷周易注十卷周易問難二卷周易文義一卷周易宗塗四卷春秋序論二卷春秋義函傳十六卷司徒儀



東林談遷孺木著



注五卷晉紀二十三卷搜神記二十卷干子立言十卷干子正言十卷干子十八卷詩文集五卷

顧歡尚書百問一卷毛詩集解叙義一卷老子義網一卷夷夏論

一卷集三十卷文義三十卷又有論語義皇統多引之

戚袞禮記義疏四十卷三禮義記四十卷

顧越毛詩義疏二十卷喪禮義疏 孝經義疏 論語義疏集二

卷

唐褚無量帝王紀錄三卷翼善記 史記至言

顏真卿禮樂集十卷歷古創置儀五卷韻海十六卷韻學鏡源三

百六十卷筆法一卷文集十五卷廬陵集十卷臨川集十卷吳

興集十卷顏氏行狀一卷殷亮顏魯公年譜一卷呂兆祥纂

顧况逋翁集二十卷畫評一卷朝士過顧况宅賦詩一卷

顧非熊集一卷妙女傳一卷



顧非熊集一卷妙女傳一卷

顧彪尚書閏義一卷尚書述義二十卷古文尚書義疏二十卷書

文外義一卷古文尚書音義五卷今文尚書音義一卷大傳音

義一卷

宋郭知運猥稿四十卷

張九成少儀解大學說二卷中庸說六卷孝經說一卷論語解二

十卷鄉黨說一卷孟子義解十四卷孟子拾遺一卷四書解六

十五卷無垢心傳錄十二卷門人編橫浦語錄十四卷甥于編橫

浦日新錄南安鹿卿德夫編

潘景夔圖經卷

吳由重修鹽官圖經

楊均海昌先賢錄

元貢師泰詩經補註二十卷及迂集十卷玩齋集二卷蟻竅集二

卷閩南集二卷

新江圖館



張天雨出世集三卷碧岩玄會錄二卷茅山志十五卷句曲外史

三卷句曲外史補遺 玄史

明胡奎斗南集 斗南詩卷

曾祖海寧縣志六卷

孫子良螺城詩集

朱祚靈崖集

何熙詩集

徐寬醉陶詩集

祝淇履道集

祝萃禮經私錄 元史詳節 古文集成

朱迪海昌志補四卷

查約閱齋集

孫景時武林文獻錄

江圖書館



張洙窮居集

吳鵬歷任奏疏十二卷飛鴻亭稿二十卷

查秉彝覺庵存稿

許相卿杞山集

革朝志十卷

館謀四則

董淞真傳要說

董澐詩集

董穀碧里前集

後集

四存前稿

澉浦志

菊花晚香集

馮覲存稿

董鯤兩巡奏議

貽閑堂集

褚相山居小集

山居杞錄

山居漫錄

沈友儒稿

唐俞樵吟錄

沈祐淳朴園稿

書

圖

五

浙



蘇平雪溪集 渙唱集

蘇正雲壑詩集

查志隆天津存稿 皖城存稿

周敬澹齋集 唐詩選脉

郭子直二京草 二游草 中林草

陳與郊太常全集 葵錄

祝以幽貽美堂集

許令典金牛隨筆

陳玄暉大風堂集

葛徵奇遠鴻閣草

吳本泰白拂記話 北游草 西征草

裴應暘遲旭窩吟

周珽疑夢編

東瞻草

浙江圖書館



談于庭容膝軒稿二卷

朱象衡春雨編

沈一鳴秋吟草

王翰和缶草

陳鼎新文似堂詩稿

知縣嚴寬海寧水利圖誌

知縣蔡完海寧縣誌九卷

知縣許天贈丈量則例

教諭趙維寰寧志備攷  
卷

浙江圖書館




朱妙端靜庵集  
虞嫻節婦集

釋守樟柿園集  
釋慧日東谷語錄

儒學典籍見嘉靖志

五經大全各一部  
五倫書六十二本  
勸善書十四本  
大狩龍飛錄二本  
孝順事順一本  
鄉射禮書一本  
盤方選要十本  
外科集



浙江圖書館



驗方 二本

遺文

搜神記序

雖攷先志千載籍收遺逸于當時蓋非一耳一目之所親覩聞也亦安敢無失實者哉衛朔失國二傳互其所觀之見聞之難一由來尚矣夫書赴告之定詞據國史之方策猶尚若茲况仰述千載之前記殊俗之表綴片言于殘缺訪行事于故老将使事不二跡言無異塗然後為信者固亦前史之所病然而國家不廢注記之官學士不絕誦覽之業豈不以其所失者小所存者大乎今之所集設有承于前載者則非予之罪也若使采訪近世之事苟有虛錯願與先賢前儒分其譏謗及其著述亦足以明神道之不誣也群言百家不可勝覽耳目所受不可勝載今粗取足以演八畧之旨成其微說而已幸將來好事之士錄



其根体有以激心寓目而無尤焉

搜神記引

明胡震亨

令并遺門闡之異爰據史傳雜記恭所知見冀擴人于耳目之外顧世局故常適以說怪視之不知劉昭補漢志沈約宋志與晉志五行皆取錄于此蓋以其嘗為史官即怪亦可徵信耳第所載秦閔王女一段則嬴秦亡謚閔者惟晉武帝子秦獻王亡嗣愍王嘗以吳王晏子出嗣秦王豈即愍帝耶然愍帝時秦為虜境秦妃安得在秦而有二十三年之久至謂今之因督亦駙馬都尉此改晉事耳又有謝鎮西之稱按謝尚于穆帝永和間始加鎮西將軍寶書成嘗示劉惔惔卒于明帝大寧間則鎮西之號去書成時尚後二十餘年安得預稱殊不可曉

光祿大夫太子太師上柱國魯郡開國公顏真卿墓誌銘

太子右庶子令狐垣

惟深也故能通天下之志惟幾也故能成天下之務君子極深



惟深也故能通天下之志惟幾也故能成天下之務君子極深而研幾不出戶而制動行諸己而馭化其惟盛德乎有唐贈司徒曾郡文忠公顏公奉大順為元功建大節為至忠以安橫流以紐綱秉是一心祇事四朝今上興元元年八月三日蹈危致命薨于蔡州之難貞元二年春蔡州平冬十一月二旬有三日嗣子櫟陽尉顯秘書省正字碩銜恤奉喪歸于萬年縣之舊原皇帝徹懸震悼乃冊贈上公詔有司具鼓吹羽儀送于墓所遣中謁者吊祭賻錢五十萬粟三百石命太常攷行誅德謚曰文忠凡厥士庶臬方候伯識與不識希聲想形莫不惕焉刑焉感慕思齊為人子者益孝為人臣者益忠為人弟者益順為人吏者益敬有以見盛德之儀型也公諱真卿字清臣瑯琊臨沂人蓋孔宣父之門人回曰好學知幾道亞聖人公其後也五代祖之推北齊黃門侍郎為海內大儒著家訓稽聖賦冤魂誌及文



集藏在書府歷代傳之高祖思魯亦有儒行仕我太宗掌記秦  
府列于國史曾祖勤禮著作郎弘文館學士祖昭甫晉曹二王  
侍讀贈華州刺史考惟貞薛王友贈太子少保儲和葆冲是感  
間氣用集于我公公受天純休克廣前烈識度玄遠節行不群  
早孤太夫人殷氏躬自訓育公承奉慈顏幼有老成之量家貧  
屢空布衣糲食不改其樂餘力務學甘味道藝五經微言及百  
氏精理無所不究既聞之必行之尤工文詞善隸書書格勁逸  
抗行鍾張弱冠進士出身尋判入高第授秘書省校書郎天寶  
初制策甲第作尉醴泉又以八使遷于長安未幾拜監察御史  
薦承詔旨巡撫河隴曾至五原有冤訟久而不決公理之得情  
郡人說佚時方炎元而甘澤澍焉巷言為之御史雨又士族有  
戮于名教者朝廷有侮于憲度者公悉彈奏正以理法憲綱震  
肅朝旨嘉焉遷武部員外郎屬宰臣楊國忠以外戚登庸惡不



附己者出為平原太守公性本弘裕及到官推是道也以臨其  
人躬疾苦以勸義寬徭以勸學令不肅而信行教不敷而化洽  
十四年賊臣安祿山豕突蟻動逆常干紀徵師矯命自薊長  
驅公血憤中激乃宣言曰焉有人臣忍容巨逆必當竭節恭行  
天討會郡中方集靜塞屯丁三千餘人公因之又召境內舉武  
藝者仍發財募義勇之士未踰旬成萬人軍于是戒嚴固守仍  
表狀是時海內承平祿山竊發兩河之間未有奉表章者時祿  
山陷洛陽害留守李愷中丞盧奕御史蔣清以三人之首傳脅  
河北列郡至平原公斬其使收三人之首哭而葬之遂有表上  
聞初玄宗每朝以薄俗罪己及得公表大悅稱嘆者久之顧謂  
左右曰顏真卿何如人而所為乃爾因就拜戶部侍郎兼領平  
原又加河北採訪招討使仍賜以詔書曰卿之一門氣冠千古  
由是公之德聲震于天下時公從父兄常山太守杲卿同公建



議憤激于哀生縛賊將何千年高邈獻于闕下遂通太原之路  
忠烈之氣出于一門詩云孝子不匱永錫爾類夫忠臣亦如之  
是時渙陽太守盧全誠濟南太守李隨清河長史王懷忠景城  
司馬李暉各擁兵數千或至萬人以附于公鄴郡太守王焘被  
祿山移攝河間焘俾掾李奐斬偽署河間長史杜蕪睦以河間  
衆歸于公北河太守賀蘭進明率精銳五千濟河有詔助公討  
伐自是仁者赴仁義者赴義勇者不敢受其力智者不敢秘其謀  
清河詞客李萼少年有才獻奇于公以通隣好增補軍寔前殿  
中侍御史沈震益山尉穆寧武邑尉李銑清河主簿張澹清池  
尉賈載各舒器能參贊成務公以長事進明衆同之西公一鼓  
而破之夷斬萬計其時河朔一十七郡同日嚮順連兵二十萬  
橫絕燕趙旁貫井陘啟土門通太原河北節度使李光弼朔方  
節度使郭子儀得橫行河朔復常山趙二郡大破賊帥史思明



于嘉山皆公之由也推誠無私信及旁郡平盧將劉正臣以渙陽來歸公以渙陽賊之根本欲堅其意乃割愛子頗令越海與正臣通問兼遺之軍資十有餘萬而寇陷京師駕在靈武往來傳置梗扼不通公以帛書表章封于蠟丸內俾健兒宵行晝伏四達以聞因奉詔旨肅宗即位之初遣使乘驛布于江淮王命再命繫茲是賴又遷工部尚書兼御史大夫採訪招討使如故其年冬十月賊將尹子奇史思明以勅兵十萬發自燕南先陷滄瀛次陵德祿猛若燎火衛若夾防公內無兼月之蓄外絕同盟之援度勢量力議無幸結不敢委身待擒貽國之恥遂與麾下歸于鳳翔有詔遷憲部尚書尋兼御史大夫西京平公思復舊章屢進謹議觸鱗忤旨竟不及留出為馮翊太守換蒲州刺史充本州防禦使又為酷吏所構貶饒州刺史遷昇州刺史充浙西道節度使時劉展在于睢陽反狀已明公乃訓偏師利五



及水陸戰備以時增修都統使李垣奏以為過防駭衆肅宗有  
詔追拜刑部侍郎進爵縣公尋而劉展凌陷江淮李垣敗績奔  
走時之議者皆多公之先覺怨垣之阻計焉御史中丞敬羽詐  
妄取思惡公剛直乃以謗語陰中之天威赫然責命斯極貶蓬  
州長史代宗即位移利州刺史未至任徵拜戶部侍郎轉吏部  
侍郎加銀青光祿大夫進金紫光祿大夫除江陵尹兼御史大  
夫充荆南節度觀察使未辭闕而鑾輿幸陝州公扈蹕行在拜  
尚書右丞及還京遷刑部尚書續兼御史大夫充朔方宣尉使  
進封魯郡食邑二千戶宰臣元載怙權專政每有公議公正言  
引經不為之屈指摘如將規之載心銜色忿蓄而將發者數四  
矣會攝享太廟公以祭器不修啟于宰臣載因奏公謗讒時政  
貶陝州未到任換吉州別駕移撫州刺史轉湖州刺史政尚清  
淨長孤養耆徹冗凌隍式廉明進賢碩特責大指而已郡人悅



之立碑頌德耽嗜文籍卷不釋手初任德州堂著韻海鏡源遭  
難而止至是乃延集文士纂而成文古今文字該于理者撫華  
撮要罔有不備訂為三百六十卷以其色荒萬彙其廣如海自  
末尋源照之如鏡遂名之又註吳興集十卷廬陵集十卷臨川  
集十卷並行于世大曆末奸臣伏誅宰臣楊綰常袞舉公舊德  
宜在中朝徵任刑部尚書公乃奏上所著韻海鏡源帝嘉之藏  
于集賢書院及秘閣公前後三領大司寇事以年老辭榮上愛  
其才乃遷史部尚書清汰九流用正庶官代宗晏駕朝廷以公  
鴻儒詳諫典故舉充禮義使祇護陵寢率禮無違加光祿大夫  
太子少師使如故著禮義集十卷上方倚以為相為權臣所忌  
遷太子太師外示崇高寔以散地處之也建中四年賊臣李希  
烈阻兵淮右詔公奉使宣慰豺狼方熾或諭公逗留以需公曰  
君命也為避之既見希烈奉宣朝旨詞不屈志不撓賊黨乃交



刃脅之慢罵不遜公視之凜如責以悖逆希烈不敢亢逼而退  
久之置酒大會將餞公復命行有日矣遇叛臣李元平陷我汝  
海委質賊庭公于座上數其背恩厲氣叱責叛者慚報密以異  
語動于希烈希烈意變遂執公囚于官舍防以甲士或掘穿于側  
或積薪于前或詒以瘞填或刳以焚鑠虐毒萬計期公毀節公  
謂之曰願假一劍豈勞多端服義而終乃其所也賊竟不敢逼  
貞元初希烈陷汴州是時公幽辱已三歲矣度必不能全乃自  
為墓誌以見其志是年遇害于蔡州之龍興寺中春秋七十有  
六自登朝及作藩牧公常以安居厚倍為務獎善罰惡為志言  
非至公不發于口事非直道不幾于心植操則夷齊之高也理  
戎則羊陸之仁也當朝則汲黯之直也落下則廉范之通也蘊  
是具美行乎至險強暴莫敢衝千鈞不能動大義久廢公起之  
醇風久醜公還之苟非賢人之業何以臻此然虛已下士不以



名位自高苟有道者蓬門鶉衣必與抗禮在平原嘗薦安陵處  
士張鎬有公輔之量數年後鎬位列鼎司論者稱之善與人交  
執友之子義均甥侄介操所至不遷其守剛而中禮介而善眾  
靜而無懣動而有光便于己希權倖不為也君有命蹈湯火不  
辭也心在弭亂不在功志在報國不圖生故其身成仁視死如  
歸雖漢之龔其勝魏之王經無以加焉昔衛銘孔惺魯頌僖公載  
在禮經形于雅什僉以為公之事公事親愛敬直清跬步不忘  
德充也服義戴仁顛沛以之行極也探蹟儒府述古立言文經  
也勤勞王家靖難安仁武功也頌聲不昭後嗣何觀于是吏廬  
州刺史李萼乃刻石建碑旌于不朽以垣嘗忝公會府公卿之  
末備位史臣俾讚丕烈永示將來敢竭不才 恭述所聞銘曰  
天祚聖唐降賢掾時烈烈魯公毓德應期岩峙玉真伊傅之師  
文武忠信天子是毗亦既升朝侃然正色潤我王度作藩于德



賊為豺虺流蠱下國公整王旅殄掃妖慝解紛以和柔逆以忠  
萬里狂飈半為淳風君子知微遇變則通出全庶人入奉宸聰  
乃副丞相是司喉舌周旋七命內外胥悅營營青蠅不害其潔  
危行言遜保茲明哲周啟土字俾侯于魯式是百辟彝倫攸叙  
乱靡有定盜擾淮浦帝曰汝賢代予宣撫孰不懷忠處死難之  
于赫我公視險若平猛獸斷斷履之不疑扇彼薄俗惟緝維熙  
昔人申伯作藩周室詩人歌頌尚播聲律矧我文忠人之紀綱  
功侔四時節貫雪霜煥乎立言沒而靡彰日居月諸垂範亡疆

顏魯公文集序

宋劉敞

魯公極忠不避難臨難不違義是其塵垢糠粃猶祇節而誦習  
之將以是勸君况其所自造之文乎然魯公沒且三百年未有  
祖述其書者其在舊史施之行事蓋僅有存焉而雜出傳記流  
于簡牘則百而一二銘載功業藏于山川則十而一二非好學



不倦周流天下則不能編知而盡見彼簡牘者有盡而山川者  
不壞不幸而不傳則又至于千萬而一二未可知也吳興沈侯  
哀魯公之忠而又佳其文懼久而有不傳與雖傳而不廣也于  
是採綴遺佚緝而編之得詩賦銘記凡若干篇為十五卷學者  
可觀焉蓋君子多見則守之以約沈侯好學喜聚書至三萬卷  
若是多矣然猶常汲汲如不足者至其集魯公之文使必傳于  
天下必信于後世可謂守之以約而尚友者乎予是以序其意

明楊一清

文章節義天地間元氣所關而國家氣運興衰端必由之然是  
二者造物恒若有所靳不兼以界人夫節義苟歎文雖工君子  
無取焉唐之文韓柳最著論者終醇韓而疵柳非其文之弗若  
也當安祿山亂作豺豕哮噬前亾堅城顏魯公首倡大順以烏  
合之衆擲賊鋒列郡應之如響使賊逡巡不敢長驅而明皇得



從容狩蜀靈武受禪郭李卒成收復之勛要之義氣所激公功  
居多比之正色立朝公之直道屢升屢復百折不屈以戕其軀  
公之節義炳炳震蕩若是隻字片語固當見用于世而况其高  
文大冊典則沉厚真足以昭示無極乎公之文初葺于宋人沈  
氏劉原父序之留元綱七續為搜緝刻之以傳今多不存學者  
罕得而見散見于金石間者千百之一二耳近錫山安國民泰  
得傳錄舊本重梓之請予序夫公之節義不待文而顯然讀其  
文可槩知其心公之文非有意于傳而重其人則其文章不容  
不與大節並傳也抑予于公存沒而有以得夫唐室興亡之機  
方公之舉義明皇聞之曰朕不識顏真卿何如人乃能若是至  
肅代德宗時則既知之矣是時國雖艱不若天寶之急授之將  
可折衝任之相能定國使究其用方岳不竊命乘輿不播辱獨  
奈之何數君者知而不能用用之弗久且專蓋揚炎元載盧杞



輩媚嫉于上而一二群小又搆毀于下以成其私伎挹孤忠躑躅不展卒死李希烈之手盧杞為之也而唐之亡亦胚胎于是矣公何乎損哉嗚呼是固有非人力之所及者矣予何人斯敢序公集而請者之意有足嘉者不可以默故是未經校訂訛偽至不可讀試得知言者釐正而詮次之則詞林鉅工別自有序述之者莫俟予言

讀顏魯公集

羅洪先

南豐謂公文章往往雜于神仙浮屠而不皆合于理今觀集中戒壇諸碑良然至自叙與道流交歷歷皆有名氏按公遭希烈之變七十七年矣非通于養生之理則精氣不能堅固完愚謂三代而下聖賢之學不明士人昏蕩馳騫于多岐而佛老尤為近理得其說者往往有所建立子房長源諸輩是也魯公之學雜于二氏吾何疑哉



唐著作郎顧况集序

皇甫湜

吳中山泉氣狀英淑怪麗太湖異石洞庭朱寔華亭清淚與虎  
邱天竺諸佛寺鉤綿秀絕君出其中間翕輕清以為性結吟法  
以為質煦鮮容以為詞偏于逸歌長句駿發踔厲徃徃若穿天  
心出月脇意外驚人語非尋常所能及最為快也李白杜甫已  
死非君將誰與哉君以文入士其為人類其詞華堂從韓晉公  
于江南為判官驟成其磊落績入佐著郎不能慕順為眾排為  
江南郡丞累歲脫縻無復北意起屋于茅山意飄然將續古三  
仙以壽卒湜以童子見君揚州孝感寺君披黃衫白絹鞞頭眸  
子瞭然炯炯清立望之真白圭振鷺也既接歡然以我為揚雄  
孟軻顧恨不及見三十年于茲矣知音之厚曷嘗忘諸去年從  
丞相涼公襄陽有曰顧非熊生者在門訊之即君之子也出君  
之詩集二十卷泣請予發之涼公適移蒞宣武軍予裝歸洛陽



之詩集二十卷注請子發之涼公適移蒞宣武軍子裝歸洛陽

諾而未副今又稔矣生來速文乃題其集之首

唐天水郡舒論墓誌

論望出天水郡公諱敦父平論是平第二子時年廿有四貫杭  
州鹽官縣靈泉鄉以元和九年甲午歲十月十四日終于天長  
鄉內之私舍以其月三十日定葬于西南四里買裘氏地安厝  
之禮也論未婚父平恐陵谷變遷桑田改移勒為誌記詞曰青  
青松柏落落澗石蓬蒿裡中長斂魂魄 閉泉門千秋永隔

唐故萬府君墓誌銘

君諱仁泰字國寧其先扶風郡人也祖翹父清清之次子也君  
招隱不仕里仁于居性玩琴書情欽義友豈謂泰山其頽梁木  
斯折以元和二年二月廿七日定于杭州鹽官縣蘭陵鄉硤石  
市東一里新塋禮也娶彭城劉氏生 次揚次塽次 次通  
二女名適宅 推蠻棘悲消響寔今恐人 後代地 動遷桑



田變海故勒貞博為志銘曰玄宮冥冥兮曉不開魂魄蕭蕭兮  
啼方哀愁雲靄靄兮雨添泪松柏颺颺兮風

唐故台州刺史渤海吳府君神道碑

鎮海軍節度使掌書記前守秘書省著作郎賜緋魚袋羅隱

撰

黃巢之將叛也天下騷動而杭之豪傑橫戈舉挺以衛鄉里者  
八人故立八都之號其間王公節將派而分者以壘一十三都  
太傅渤海府君居其一為府君諱公約字處仁姬周盛族全吳  
胄裔今為杭之餘杭人也府君始以勇胆智略為郡邑推泊朱  
直聚徒應募西討以功授西佳鎮遏使其後從威勝軍節度使  
隴西郡王董太尉禦巢于西鄙加御史中丞奏置都額改硤石  
為訓齋之所于是推鋒破銳日有聲稱丞相吳公之定越也府  
君以饒果聞兵罷拜千牛衛將軍肅政臺長俄而劉浩平錄功



上奏天子嘉之授散騎常侍明年徐寇據姑蘇斬朱方諸軍糧道丞相乃委府君專征授北面諸軍行營招討使九月統衆自金陵返旆南討明年春三月克吳苑竟讓軍功以本都歸由是丞相益嘉其忠節後兼授義和鎮遏使兼本軍水陸都游奕使是冬復值淮寇侵擾合諸軍捍禦疆場累挫賊鋒日就月將勲業愈盛由少者至于大冬鄉改秋曹民部二尚書尋以府城版築丞相勞卒之奏遷此執法自始至末薄于進取所蓄所有必以分散為將三十年家無長物出則督勵士卒入則訓道子弟斯亦名將之高節也乾寧四年夏六月二十有一日起手足于硤石之私第享年五十八以明年正月十五日卜宅于錢塘之新亭鄉桐扣山之原禮也府君娶樂陵石氏先府君即世男一人曰重裕襲拜西佳鎮遏使兼義和鎮事丞相以府君續功又嘉其幹用授起部尚書領本都務始樂陵夫人不幸之後令子



幼弱生業亡主故以河間刑氏夫人繼為生男二人曰重禮重  
禮女二人未笄將君嗣子以隱鄉里之舊既請銘其墓

矣而後章文其美于道之隅

張子韶心傳錄序

明虞淳熙

宋崇國文忠公錢塘張子韶先生以龜山弟子傳濂洛洙泗惟  
精惟一之心于堯舜蓋自堯時已宛然先覺矣其為吾道正統  
非閨位餘分可知也大廷策出龜山見而歎曰曾未之有因未  
有之歎其為入室高弟子獨傳此心又可知也先生之道以志  
學入以志伊尹之志入或問先生曰古人卓然獨見者誰為最  
先生曰伊尹去堯舜之世已遠絕無師承斷然號于人曰吾  
天民之先覺者也湯學焉文武周孔傳焉非有獨見何敢自任  
如此故先生雖師龜山而所獨見者與阿衡同一覺也卻權貴  
之幣輕館閣之榮楮扇革履污巾惡衣沒齒清貧致屢帝念是

猶再聘不起一介不取之操與阿衡同一覺也不離心而經論



之幣輕館閣之榮楮扇革履汚巾惡衣沒齒清貧致屢帝念是  
猶再聘不起一介不取之操與阿衡同一覺也不離心而經論  
天下不出身而綏定國家自為簽判為博士為卿貳觸貂璫觸  
逆豫觸奸檜萬死不回百諭不改以其不可學有莘之可何必  
干湯而就桀又與阿衡同一覺也而偶交僧杲世遂謂與僧杲  
同一覺誤矣彼其比弓襪而誚之体既矛盾指淨潔而惜之用  
復抵牾判然兩家水乳自合當其時惟奸檜擬為同倫驅與同  
罪耳議和之口安足清天下後世之公議乎且所謂覺者其体  
先覺自覺其用覺民覺他等覺也無幻不覺知幻仁即是覺覺  
即是心覺猶不着而况喜怒哀惡之私先生雅言之矣惟檜豫  
貂璫聖澤不被方將引為後覺而出之溝中其與僧杲莫逆又  
何私哉時而襲無垢之號時而側傳燈之侶儒童光淨寧辱孔  
顏之名所自比禹拜昌言則亦筍簾上物視杲已耳論者謂濂  
溪之師僧涯為孔氏之萇弘先生之友僧杲為似氏之鼓鐘不



其然乎而誤國之言卒以誤世遂有過信奸擢者自非得統如  
學憲赤石先生誰其發潛德而享之同志如司理偃紅先生誰  
其索遺編而獻之耶始近溪羅公忘年而友熙每語曰而鄉先  
生無垢心傳錄不可不讀時宦游長安與屠田叔發于中甫帳  
中之秘獲以應偃紅先生之索而獻赤石先生祀其人鐫其書  
視周海門陶石簣聖學宗傳之選全矣備矣附倣長虞論語諸  
詩于卒章嗟乎儒禪信難辨哉六朝名縉踞狝床而講三易三  
禮三易三禮不以登狝床故見遺虎觀也今覺之一言空桑氏  
受幣發之桑門剝而揮塵演之豈以辱塵談故謂子輿七篇盡  
鹿苑之書乎善夫先生之言曰士大夫知識去佛書寂滅甚遠  
道非虛空日用而已如其言是投虛與寂還之釋氏而收知與  
覺還之大夫斯禪學聖學之辨也學憲司理位據正統而海門  
石簣先得二先生之同然所謂聖學宗傳者其在斯乎其在斯



乎

重刻橫浦集序

明黃汝亨

張子韶稱無垢居士又稱橫浦先生蓋先生謫居南安之橫浦十四年談道著書學者宗之稱橫浦云先生嘗受業龜山龜山本之明道當時推先生為渡江大儒其學以未發之中為宗以仁為有宋家法而不受權貴之餌不諱趙鼎之黨寒逆豫之膽折和議之奸淡泊簡靜形骸俱遺清白剛正國家是急使盡展其用足以挽弱宋而奮中興而賊臣檜以居宮觀時與徑山杲禪師談宗契密往還莫逆遂借之指斥編置南安軍而先生之學乃益磨練益明了嗟乎橫浦之學明而先生大業半付之簡編可歎也子嘗妄論宋之儒者務明理而不盡明心能研心而不能任事能明能任橫浦庶幾兼之而不竟其用其精義微言幸是集存焉耳是集吳康虞氏刻之南中焦先生為序而海昌



令方君以橫浦家在海昌景行其哲重刻之方君之曾大父太常公與陽明子在渠子講論問學佐治心要語而方君能刻集亦足以占其家風矣

仰高亭記

海昌邑治凡為游憩之所五茲亭表出本末下澈水兼盡登臨之勝他則莫及也屋久故日益甚客來不旋踵去之懼將壓焉予初至官歲仍飢終日理訟牒局束几案上無暇有絃歌之適足跡不至者累月明年春一雨涉兩旬椽折瓦墜嚮之傾今且仆矣亭之有無寧足計失今不葺他日或訪故基于荒榛叢棘中詰其所從壞必予始也以故因其傾而正之易其腐撓者而新之前除有古桂參立如拱揖主人坐亭上笑語聲落亭下市之東西行者必舉首駢肩以望亭故有名不雅馴乃取杜子美詩更以今名顧予方折腰五斗負弩矢役事上官走吏持一紙



詩更以今名願予方折腰五斗負弩夫役事上官走吏持一紙  
文書至庭占報小緩則出不遜語低頭愧見野人其為卑辱莫  
甚每一登亭窺月窟之清華挹玉宇之涼颺使人心開目明飄  
飄然凌青雲而上層霄直將挾飛仙以遨游豈不亦甚可樂哉  
後之覽者能勿誦予以卑之母甚高論幸矣淳熙十一年九月  
既望三山陳申撰

三先生祠堂記

書

程大昌

奉議郎知鹽官縣魏伯恂書來言曰伯恂效邑亦既旬歲奉法  
宣恩士民不距而聽此其善意殆可引之近道肆葺學宇以示  
之方又擇儒先之在此而望寔素孚者潔祠奉之冀其即信生  
慕則勸率易入也故禮部侍郎張公子詔行其學而縉紳推敬  
固其人矣有施德操彥執者學有本末主孟子以排釋氏曰絕  
人倫漫葺級棄禮樂仁義不用謂能躡造空無此其勝處槩之  
以道尚自倒易後先况又飾荒幻報應誑愚取資則尤為世蠹



因著為之論以曉未悟其學若此亦可謂強立不回者已又楊  
璇子平者安貧樂道不忘取予且謹獨之操閭室猶康莊也此  
二人者身塞而譽不宏然一邑之人嚮之殆歆與侍郎張公等  
伯恂既即縣學東序闢室肖像列三君子而祀之敬乞言以道  
所志也予曰大師樂合國之子弟凡有道有德者使教焉死則  
祭之瞽宗夫非為此貌敬也不忘其教而宗之而表之而禮之  
祈以永其儀型也子于此舉其已古矣而尚賢立則施置又可  
大也一鄉一國以為善士者夫既還以厲之合天下以為善士  
者亦又于鄉國責繼焉則夫私淑諸人者厚矣凡爾子弟其具  
勉之此三君子者當其游鄉校習藝業是亦此邦諸生爾今見  
貴重如此正惟學焉而能行故其聲跡隨所遇豐狹皆可聽聞  
大道滿天下誰者不可與能亦加之意而已矣

南路監倉記

應 繇



淳祐五年六月監鹽官縣南路鹽場陳君桂觸熱來訪以新作鹽倉成求為之記君之季父著作佐郎內小學教授寔癸未同年進士申申語予曰是子也才善為官廉而勤能幹以治幸不愛以文為是子表厥役予敢不敬諾監鹽君之言曰南路距鹽官東六十里所表花黃灣新興三子場隸焉嘉定中潮齧新興一場鹽課已失四分之一而他場多秀民收科第馳騫乎功名之途者踵相攝于鬻煎乎何有重于嘉熙飢疫頻仍亭民孳且死生者皆鳥獸散場官莫克自振懷檄來攝空率便文自營而鹽鹽場遂敗壞不可為桂始至僅領一印首葺廨舍以庇身蒐文書于故吏家得其副喚亭民父老來前與之約使歸業躬自督課咸知奮勉歲額視舊復其半會天朝以仁和鹽官二邑所有場割隸畿閩閩帥戶部尚書趙公檄諸場官至府下知其不事事皆揖退之桂也蒙獨留蓋以殫志竭力頗為趙公所知也于



是條十事以獻蒙趙公采聽皆次第施行而倉事起矣先是倉  
在邑中距場遠場丁疲于轉輸司庾吏誅求百端不勝困始議  
就場為倉衆聞皆喜既卜基有不便于己者阻其成止移就北  
柵值天寒河凍舟膠陸行率十餘千致一石衆愈困合辭請自  
衷錢浚河築倉得就場便具白趙公趙奮筆判從行且戒毋得  
衷錢凡費其悉從官給桂奉命惟謹浚河自保安橋達秋門涇  
亘二十里日役千夫踰旬而畢水道與浙西河諸郡通因改閘  
復浚港三里許至浦口以迎客舟之自海來者于是河海水程  
脉絡灌輸無壅矣就所卜基乃營鳩工攄材予直如私家廳事  
中峙前為門門左右及東西二廡為殿六 灰甃石甃既備皆  
堅緻密牢可支久又以餘力于西屋為備殿臨流創亭三所以  
便登舟是役也竟于四年之春倉貲四萬有奇河費一萬九千  
楮有奇始給之數贏于此悉以還之即閘亭民樂于趨役歲計



益羨六廩皆充物續至者亡以容則寄留旁近小民家及僧廬  
岳祠中歲終而會羨二分趙公給正鹽錢二萬緡以庚之衆願  
以此錢置屋增倉受餘鹽趙公復從其請乃鑿垣闢基復為屋  
十三間為廩五今年春三月告成于是茲場總十有一廩害除  
而利興公私皆便矣又為車筒以度舟楫商旅湊集南路市稍  
還舊觀河既通民田資以灌溉亦連得善歲蓋不止場民賴其  
利而已予聞之語之曰古所謂能令所居官大非子也耶凡居  
官者皆能振厥職如子則宇宙之間何事不可為君退然不敢  
當曰桂也曷敢自以為功厥惟曰大尹尚書之賜也倉議未成  
非趙公烟然有特見其不阻于異議者希矣予敬趙公之能知  
君而喜君之為趙公所知于是乎書君永喜人少有異才試童  
子成名連貢于鄉登進士第初筮已著奇績其居身清立甚似  
其季父云



師友集序

元黃潛

師友集者張君伯雨所得名公贈言及倡酬之作也伯雨之生去宋季未久其大父漳水通守雅不欲諸生羨于貴驕而縱為異時華靡遨故事延儒先為師教之甚篤而伯雨特聰寤爽朗穎出不群卅歲即務記覽弄翰為詞章方是時前朝遺老宿儒魁士猶有存者數百年之文獻賴以不墜然皆尊其所聞人自為學未嘗凌高厲空併為一談以事苟同伯雨覲其光儀而聆其緒論如企嵩岱而得其高臨河海而得其大且深佩服之素固非一日年運而往諸老相繼淪謝伯雨乃以壯盛時去為黃冠師間出而觀國之光屬當文明之代一時鴻才碩望文學侍從之臣方相與鎔金鑄詞著為訓典播為頌歌以鋪張太平雍熙之盛伯雨周旋其間又皆與之相接以粲然之文如頃鳴而篋應也運伯雨倦游而歸入山益深入林益密並游之英俊多



麓應也建伯雨倦游而歸入山益深入林益密並游之英俊多

已零落而相雨亦老矣後生晚出如春華夕秀奇采遽發款一  
經伯雨之品題者無不挾所長以為贄而伯雨皆莫之拒雖細  
弗遺宜其所積之富如此嗟夫伯雨負超邁卓絕之才不徒有  
聞于家廷而脫落綺紈之習遂能遺世獨立周覽六合必能盡  
大觀而無憾其高風雅致固可槩見也雖然四十年間氣運有  
升降人物有盛衰而文章之變化與之相為亡窮述作之家尚  
有攷焉詩文總若干篇其次第不擊乎齒爵位望而一以歲月  
為後先方外一二士既編輯而校讐之復俾某為之序而刻置  
伯雨所居靈石山之登善菴某之鄙陋言不足以盡意序續集  
者寧不為之畢其說乎

句曲外史集跋

明毛晉

伯雨慕米元章為人撰中岳外史傳此即句曲外史自傳也如  
元章初慕二王晚入韓平原伯雨始學雲麾將軍既遍歐陽率



更元章一見無為公解竒石即歆兄事之伯雨入燕地見梅于  
吳間閒家如遇西湖故人徘徊竟日不忍去元章多藏玉躡金  
題幾埒秘府而黃篋樓所儲不亞寶晉齋元章愛潤州江山因  
為卜居而金陵地肺丘壑更自佳勝至于元章先一月盡其平  
生書畫預置一棺焚香其中曰衆香國裡來衆香國裡去舉拂  
合掌而逝伯雨預葬冠劍于南山屏絕外事飲酒賦詩焚香兀  
坐及期羽化篋無餘物安得云米顛而張仙非其流亞耶惜其  
詞文罕傳陳節齋所輯遺集本傳不載亟為補諸卷末

句曲外史補遺跋

貞居子黃篋樓手編生平詩文甚富惜乎紅巾寇杭之餘不知  
所在子十年前所刻句曲外史集三卷蓋陳羽士訪諸貞居經  
歷之地寸箋尺練櫛比而成者也猶恨未獲楊鉄崖所鈔重窺  
石室之秘耳幸湖州康侯閔君窮搜博采手錄遺亡若干幅數



石室之秘耳幸湖州康侯閔君窮搜博采手錄遺亡若干幅數  
月之內鱗羽相接而寄于予予亦隨開緘之先後而付諸梓人  
略無詮次又得三卷鉄崖所云晋武庫之遺劍不在斯乎鉄崖  
為一代人望不輕可人獨醉心于貞居康侯真今日之鉄崖也  
所著江東外紀吳興藝文諸書不亞于史鉞及史義拾遺亦醉  
心于貞居亶真拮據無倦色貞居何幸而遇此兩知己也予愧  
未能學姚公緩以古畫相易或不至為胡季城受友人之託不  
能公之海內與

一經堂記



貢師泰

肅齋之子鏊從予游閩致其父書請為之記予謂六經並載聖  
人之道何獨取于一經哉豈不以漢韋賢嘗以一經教子故耶  
不然則將先明一經而他經從可明矣夫經之目有六曰易書  
詩春秋禮樂或道陰陽或紀政事或咏性情或正名分或以正  
行而和心雖其為說不同而其道則未嘗不貫于一也以三五



以降歷世益遠然其立訓垂教不教數十言而止至吾夫子贊  
序刪正更加述作上以紹前聖之既往下以開後學之方來人  
文可謂極盛矣寔亦不過數百卷而止耳以數百卷之書明數  
十言之旨簡易精潔如天地運行如日月照臨其道未嘗不廓  
然而公粲然而明也及秦漢諸儒各出己見務為專門論議詆  
訾朱紫混淆其簡冊之多棟充牛汗既以湮塞聖道磔裂經旨  
不可究極矣而近世科目之設則又餌之以著述誘之以詞章  
蠱之以記誦假之以經術遂使海內之士疲精極力靡然向風  
盜為新奇之言巧飾頗僻之見一切逢迎苟合以邀進取而六  
經始為釣功名利祿之具矣嗚呼大道之晦一至于此可勝嘆  
哉向非周程邵張朱呂數君子者出孰能發微言于既昧之中  
尋墜緒于不傳之後乎而今之學士大夫執其全書因以潛觀  
默然識旁通曲暢則亦幸矣然有讀書萬卷而終身無一言之



得者有得一言之要而終身守之不失者其故何也道之明與  
不明而已是故明經所以明道道明則經無不明者而懿也又  
文公諸孫強志善學其庶幾有得于此矣不然雖日誦六經猶  
為無益况一經哉

館

送尹知州之官海寧

劉基

國家憐黔首之未寧乃大選守令熙以庶績非名寔素聞于上  
下勿任且以六事攷覈其殿最責至重也東平尹希善由餘杭  
主簿江浙行者掾史遂昌宣城縣尹溫台海道千戶皆能其職  
故得舉為海寧知州將之官相與交浙者咸為詩以餞之而屬  
其序于予惟今之人類多喜諛心竊非之天求言于人而得譽  
不如勿求與人言而進以諛是不以賢人君子待其人不恭莫  
大焉故願其獻規而不以獻頌今天下久安而盜賊姦宄竊發  
不禁何故哉為守令者非其人天子有不能徧治故托之守令



為之民牧夫牧也者受人之牛羊而牧之為豐其水草通寢寤  
去其疾蠱驅其豺狼然後物生遂而牧之道得矣是故悍卒猾  
吏民虎狼也苛征橫斂民疾蠱也虎狼不屏疾蠱日生寢寤失  
時水草乏絕則亦曰就死亡而已矣惡在其牧也夫好安樂而  
惡憂患人情同之盜賊之刑而族人必有大不得已誠能順而  
撫之吾未見其勿寧也海寧為濱海邑民勞而貧久矣孟子曰  
飢者易為食渴者易為飲于今之時抑亦可以謂之易而非難  
矣尹侯國家之寄百姓之望于是乎在他日惠政之碑又當為  
君書也 按尹知州繫元時所任伯溫任元此或其初年筆耶

胡斗南詩集序

明寧獻王

予觀夫詩詞之發皆人心感物而行于言意之表也然必詞理  
兼該音律俱傳而後可以言詩也自風雅以降歷代作者惟唐  
為盛故唐杜之詩卓冠群倫超絕萬古後之論詩者莫不皆以



唐杜為之宗主胡虛白海昌之名儒也博貫經史尤長于詩元至正時平章慶童守錢塘教稱胡虛白以書寄廉夫楊先生曰此子而已廉夫以書答曰老夫久疑此人可與並轡也然是時虛白年才志學而聲舉已出矣壬午之秋予至淮南時方早食未已侍免持一幅莊子觀泉圖入視之上錄其詩不知何人所作予觀其有食霞服日之語乃自謂曰苟非太白之徒其誰與侍免曰此海昌訓導胡虛白先生所作也臣愛而錄之問其所曰今者任滿將之京矣予愕然而驚撫然而欣淳然而起喙然而笑不覺噴飯滿几左右莫不為之掩口後予之京奏而求之乃錫教授于王門自之豫章以來而日侍左右其衷情曠達議論懸河凡題詠之傳于四方者人皆莫不知所愛敬而誦習之今稱為一代詩人之傑信不謬矣歸海昌卧病數日俄而謂家人曰吾將歸矣遂令童子執筆作葵頌一章頌



畢歌曰天地生我天地死我亦任于天有何不可遂抱膝而終  
且予嘗慕其詩之豪爽神俊遣人徵之亦遺稿于其子玩之再  
三益見其詞氣豪邁有不羈之志而無月露風雲之句風諷清  
雅而有不喫烟火食之味非神仙中人郭能及耶誠可謂絕洪  
流之巨漲窮滄海之深源卓冠時流者也蓋聞君子不沒人之  
善不匿人之美况于得之高可隱乎于是乃命教授周冕編次  
成帙遂錄于梓以廣其傳姑叙此以為引

螺城集序

陳敬宗

山東恭議海寧孫公集其平昔所作五七言古今近体凡若干  
卷畚容典則鏗鉤炳耀而萬物之理咸備高三光之昭明鬼神  
之幽怪高之于山岳深之于河海微之于草木鳥獸變之于雷  
霆風雨以至朝廷之禮樂民信之歌謠皆能不闡元理曲暢微  
妙誠一代之佳作也猗與盛矣維昔韓子有言權娛之詞難工



而窮苦之言易好歐陽子亦曰非詩之能窮人殆窮者而後工也公自永樂甲申進士授兵部郎中而擢今官爵位之崇峻與服之顯榮聲望之隆重以至出入起居靡不遂所願欲而其吟咏之工乃能如是豈其心亦有未足耶公颺歷中外餘三十年其文學政事才猷識見皆足以出人之右固當顯用于朝以發舒其所蘊蓄今乃使之督治河道置之散地志高而位左其心固有所不平也以不平之心處閑散之地宜其冥搜僻引探竒索怪得以肆志于吟咏以發舒其所蘊蓄暢達其所不平譬如三峽之水愈抑而其勢愈怒則噴激衝突其發益溥而其聲益宏矣韓歐二三之言豈無所驗與以是叙之孫公必有以教我哉正統六年歲次辛酉朝請大夫南京國子監祭酒四明陳敬宗序

螺城集序永樂壬寅括蒼徐用中宣德乙卯奏議大夫衛府左



長史三衢金寔正統四年己未翰林修撰張益

送彭教諭序

張益

仕以禮去官者三勞瘁倦勤理所當退謂之請老成功審己分  
所樂已謂之知止知難慮後事所決去謂之見機後世法制嚴  
密惟請老得循故事而知止見幾徃徃不遂人意士大夫名節  
能與公法清議並全者蓋不多見海寧縣學教諭彭君顯烈致  
仕歸廬陵年僅六十精力甚壯自始荐歷初門南安以有今職  
名位未滿其德績用未究其學今治教休明學官又無危高嫌  
逼之防于三者皆不合而去之遽宜有不可必遂者而竟遂之  
藩臬州司無齟齬于其上縉紳里社無譏議于其下門生故人  
雖私相惜而大相樂不識君何以得此于衆殊之間也聞其鄉  
人言彭之先唐太尉安定王思珩宋御史中丞戶部侍郎思永  
之後自元歷今世有名宦其先君大雅先生正統間嘗詣闕上



之後自元歷今世有名官其先君大雅先生正統間嘗詣闕上

書又進二京賦

英宗勅賜冠帶以訓導致仕時楊文貞公當國奏欲留翰林固  
辭而歸審如是則先生出處進退當亦有家法源流也嗟夫先  
生三為儒官鄉邑相望今及未衰之年去位猶之朝出游而暮  
歸其廬情事可人物色未改視世之遠仕不歸者相違豈直尺  
寸天壤之間獨此亦足有得而况無愧于名節哉若先生者殆  
可以言仕矣

轅門夜宴詩序



張寧

正統丁卯秋温州衛陳公彥章以兼總浙西戎事及暎將歸道  
經海昌屬地時邊士寢平公雅向儒術置酒帳中悉延致故人  
文學之士相與咨決時務以圖後舉顧軍中無以為樂分韻賦  
詩得若干卷命曰轅門夜宴具簡成帙以行後一年公且至出  
以示予求為題識予嘗記宋慶歷間西師未解晏元獻為樞密



使會大雪置酒西園設客歐陽文忠公賦詩畧曰主人與國共  
休戚不惟喜悅將豐登須憐鉄甲冷徹骨四十餘萬屯邊兵公  
不樂曰昔韓愈亦能作言語赴裴晉公席但云園林窮勝事鐘  
鼓樂清時未曾如此合闢于乎歐公且自為身計我亦惟盡其  
哀而已耳今觀是編之作若雪漢先生之渾化自然雲壑先生  
之言嚴造有法孫素庵叅政之老練不放岑雪崖之格韻清勁  
與夫凌陳諸君俱有述作悉罄所長公果不以合闢外之也抑  
否耶又聞公之先將軍都督荷國厚恩傳襲至公是休戚之  
臣也今日倭夷伺邊諸道兵未敢安枕公未嘗少釋于意此正  
文忠立論時也第恨不得列坐其次以聽蘇岑諸公規助之言  
何如展玩無似輒汗顏而序其後云

重築障海塘記

張寧

海寧右鹽官瀕海南上可<sub>百</sub>里有山名赭山南遠有山對峙如門

是為浙江受潮之口歲久淤涸瀉赫淡出潭若階則口隘潮



是為浙江受潮之口歲久沂泗滄瀆赫淡出潭若階則口隘潮  
束亥繫于鹽官隈岫宋嘉定中潮汐衝鹽官平野二十餘里史  
謂海失故道有由也成化十三年二月海寧縣潮水橫濫衝圮  
堤塘逼盪城邑轉盼曳趾頃一決數仞祠廟廬舍器物淪陷畧  
盡郭不及者半里軍名翹懦奔顛皆重足以待縣上其事于府  
府守陳讓上其事于巡按侶鍾侶公以所上事詢諸布政使杜  
謙按察使楊瑄又以二公命各詢其佐參政李嗣副使端宏叅  
議盧雍僉事梁昉咸集厥地周視翕謀區畫會計相與祭于神  
真以成業托分巡僉事錢山曰君宜任重有所給乏從革惟君  
自處公乃躬履原隰量材度宜命杭湖嘉興官屬因地順民採  
石于臨平安吉諸山物用林積舟楫轉挽蔽河而至分命把總  
指揮李昭通判何某兼總工役初用漢捷絙法不就乃斷木為  
大櫃編竹為長落引而之泛濫稍定人知有成勢皆奮力趨事



計以日費致月工填壘稠復為力漸易業可待就時盛夏公有  
念曰吾聞聖禹治水奏鮮定賦非但疏泄而已今民蕩析未寧  
農稼方作飢勞野聚必有疾疫未可亟也由是作治雖嚴間輒  
拊循勞來失次者徒寓空舍惠以薪米大集醫藥以療病者作  
副堤十里衛灌河以防泄鹵之害義聲倡道富人爭自賑施民  
至是始忘死徒之念歲八月塘成適沙塗壅障其外公因增高  
倍厚覆實拊虛使腹抗背負屹成巨防而海復故道矣是冬舉  
羨餘之財修葺文廟增廣學地重建按察分司致祭告成乃復  
父老過相語曰昔元延祐海患財力大艱時官募謀誣以異術  
今之深沙鉄神遺跡近在吾少歲猶見大父行于悒流涕而道  
其苦辛者皇朝永樂九年海決有司不時治民流移者六千  
七百餘戶淪田一千九百餘頃事聞遣保定候孟瑛力役蘇湖  
九郡貲累巨萬積十有三載其患始息此吾輩耳目所及者今



九郡實累巨萬積十有三載其患始息此吾輩耳目所及者今  
錢公以騎行邑斂不及民勞不靡衆徒以三府萬二千人僅七  
越月而績用聿成患大費省力少效速較之前事孰與此賢方  
首事之際震撼倉皇若禦勁敵然雖有優才絕力當亦不暇旁  
顧公能發心蘊竭性能紆徐委曲以庇食我以調劑我以成我  
稼穡以寧我婦子凡我輩今日復以得安此土者皆公賜也奈  
之何泯沒其德遂相率叩縣令孫綱教諭彭永烈介予友庠生  
徐寬具書走幣微予文刻石予念風濤漲溢凡際海之區無不  
間遇至予衝決激射惟浙江地勢為常自延祐及今纔百五十  
年海已三變雖曰氣數消長未嘗不以力定勝但恐物非天成  
終當復故使赭山之潭復出沙塗之壅再去後之繼任非人文  
獻無攷則父老前日之憂將或在其子孫也文章非紀寔不足  
以傳信請詳述本末凡有事者皆刻之碑陰一以張今日之功  
一以示後世之法



聯句詩記

楊循吉

徐寬海寧人成化十七年進士家世喬木博學有操存溫溫言  
動與坐終日不厭初授都水主事臨清甃磚廠予自登第後奉  
差至浙遂與君遇君亦見予遂如故人承君留予至衙中出佳  
酒飲予與予談浙中山水之勝云瑤華洞最佳君往必宜遊之  
留連竟日別去後予至杭牽于公事但得到西湖上諸山及天  
竺靈隱而已然亦一認即歸不復能得其味所謂瑤華洞者竟  
負君言不得遊予可謂倍客矣後予事畢北還至清河則以水  
枯取道自穆陵關出德州來都下不及與君會臨清予至工部  
未久復差至保定取道至臨清迎老母北上則復見君保定知  
府陝西趙儲秀前曾為御史巡按山東與君交趙公妙于理學  
嘗與予談及君趙公曰粟夫極有工夫趙君特雅重君為今三  
年事滿受代赴汝當別除曰方以功名期之而粟夫乃云將給



假還家座中客問君當明年來耶君笑曰來未有日諸君不信予獨然粟夫之言粟天曰若遊山君來浙吾為主吾來吳君為主然不知予病人此歸可得稍健隨君登涉否人生得遊奇山水亦是福緣所招不敢必也君是夜談譔甚多雅語不能悉記可惜也

海寧水利圖誌序

書

知縣 嚴 寬

惟王建國設官凡以為民為耳矣民事曷重曰有本曷先曰有要本者何田里樹藝之謂也要者何水泉灌溉之謂也是故莖民乃粒稷德惟懋而地平天成禹功寔開之此固當務之急也三代而下罔知貴本親要疏鑿之說雖幸有存者或失則誣或失則陋或失則勞或失則逆噫弊久矣又何異乎治之不古若耶惟我藩臬朱公欽若明俞總諸水政于南田于浙之東西爰檄郡縣有司百執事各會山川形勢上之將以講求水利之源



流與凡修興之利害勒為成書以嘉惠萬世甚盛心也下吏寬  
窈祿海寧愧初政罔若有知惴惴焉惟無以仰承具懼于時延  
訪于時探索于時履歷攷詳越數月亦既得其概矣敢不綴聞  
輯見以獻窈惟海寧古益官縣也按志海逼縣南由鎮海門出  
里許以石隄捍潮曰海塘北自拱辰門達于仁和曰上塘東至  
宣德門達于運河曰下塘其流旁通四境中間為湖為蕩為瀆  
為溝為洫為遂為渠為川為涇為淩為洑未易悉數皆蓄泄之  
支流耳關於一縣之利害者三河其選也第其緩急則又不能  
無頡頏之差焉是故海塘為要上塘次之下塘又次之蓋緣地  
形高阜俯視蘇湖使海水捍禦不禦則東南腴膏之地盡為斥  
鹵昔人築隄以捍之其慮周飾有如此者邇來怒濤衝激歲益  
以甚相去城河近不百步耳此利害之關於數郡者故曰為要  
上塘之水發源于杭之西山由吳家堰東抵長安壩以泄于運



河近來西湖占塞而水之來也有限吳家堰坍塌而水之去也無節矧自施塲達于縣治幾七十里許地高河窄容蓄無幾舊制寬筒十有三處滯則泄旱則固所以節宣之也今則傾圮殆盡無復存者此利害之關於一方者故曰次之下塘河其支有二有由袁花歷海鹽抵白茆港以入于海北由郭店浮于蘇常由孟子河京口閘以入于江源遠流長非大旱滯可以無慮惟近城十里地名曰轉塘河淺不足以為容塘小不足以為衛涸舟沒路之患間亦不免焉此利害之關於一時者故曰又次之議者謂浚河之士以加于塘則河深而水聚塘高而行便矣此固周禮因地勢水勢之說在因時處分而已矣固不敢重遺當道者憂也惟上塘之役工力頗繁使驗丁出力則富豪者或以計免而荷畚興嗟者類皆無田之民今欲通力于兩岸食利之家庶合佚道使民之旨而寬之制要當易以石閘信非捐貲公



帑不可耳矧西湖由防于吳家堰吳家堰屬籍于隣縣尤非下  
吏寬卑劣所得尊者幸惟我公率作興事計處之下復以周旋  
則亦莫為不可至于海水潮汐世為邑患則又有甚焉者矣攷  
之石隄築創于唐添設于宋元增修于我 國朝皆以數郡財  
力始克有濟正以據蘇常之上游為嘉湖之鎖鑰各興有責故  
均任其勞耳邇者海勢南奔乃驅一方之民以治之東興西廢  
財竭力疲惟明公處助始克底績迄今海沙漸長雖天幸亦人  
力也但潮汐潰決亡常而一邑財力有限每遇興修則上下移  
文動以旬月計卒之損者崩崩者廢計定而後行所損亦已多  
矣識者欲準海鹽事例歲儲均徭役銀若干以備修築則百姓  
免興作之勞而官府者文移之費未為無見也明公存心天下  
加志窮民况通融處分具又在我果采而行之乎苟行之一舉  
手一投足之勞耳明公何吝焉寬也學不足以識古才不足以



通今按圖或乖于時宜道謀或主于偏見若夫通其志不違其  
款齊其政不易其宜立言立功以垂永久顧明公酌虜何如耳  
若曰下吏之言為可必行也則寬豈敢

馮小海先生存集序

虞淳熙

世宗初北地信陽之風被于南維一二君子嗣言游以文學着  
力不足則見其媮而武林居宋輦下狎為宋音益靡靡無當于  
雅習使然也是時燕人許子春先生修龍門之業大有聲而孫  
太初氏傳秦音于詩歌復傾動一世惜其洪響忘其儉俠戶視  
寓公下視粉梓亦祇以薄耳善乎馮先生之鼓靡倍也情必蘄  
真境必循寔詞不求譯語不假造一切卻謝鉛黃與所脂澤無  
使人疑天疑帝而疑北地信陽于武林也者是先生跨燕秦以  
重我粉梓也功斯為上矣夫西北天地閉藏之府也不可以暢  
其人骨勇啣枚營壘間怒則咤呼為聲逼以語調宮而應之渾



渾沉濁一呖便已南方麗斗立宰之喉舌在焉故氣軋成聲變  
成文乃今文不文而不文者柄操則何也縣水合流其鳴大淙  
岐溢旁出其鳴汨汨吾聞武林之給于言矣戰則善挑爭則善  
詈喜則善謹感則善謠勃礫乎一室而隳訛乎三家之市不啻  
千囀也脫以文位高華又得勦四方之語罔其鄉人及請謁亡  
虛日每為大言鰲足可分入門顧婢子刺刺耳斯之謂岐溢旁  
出安所擇鳴也北地信陽在淳于生所稱一鳴驚人者而馮先  
生于吾黨為大淙無乃十神含以善處其默與先生之集過庭  
所錄僅滿八卷彼一二君子顧有內有外有雜有閏有餘有別  
是以多為媮也岐而汨汨無為也長公之過庭聞詩矣又得聞  
斯言者猶呐呐如不出口將文益昌哉長公舉孝廉喜文字嘗  
刻秦漢家言士趨購門如市而長公之子又為莊生洛誦之孫  
無愧馮先生之孫乎嗟乎馮氏三世建幟不有含枚從之者非



夫矣

送吳默泉先生序

王慎中

君子之德何其多而難全也。洪範列所以又人者，沉潛高明之不可兼，則克之以剛柔，必有待于剛柔之克而後沉潛高明者得歸于平康。其始蓋亦偏矣，後夔典冑子之教，悉數其目，有直寬剛簡之繁而直寬者懼其溫栗之不足，剛簡者憂其傲虐之為害，彼皆學于上而且，有承之庸之庸，望其所以教，猶當誘其未備而防其不及，如此猶然謂治教之法待之詳而設之豫云爾。臯陶矢謨，言人之無其多，至于有九當虞之盛，宣明其三嚴，數其六百，皆可以為國家之用，爵莫尊于諸侯，事莫重于大夫，其為諸侯大夫而熙浚明亮采之載者，亦言其人之有德，至于三六而已，德之難全，厥已久矣。以予觀于吳默泉先生之德，何其全也，方乎其外未嘗止而不行也，介乎其中未嘗劇而難適也。



動乎其不可禦而若有約而留之者而動出于有恒矣藏乎其  
無所有而若有拓而發之者而藏蘊乎善應矣其德之詳不可  
以遽列其于臯陶所序蓋不具者鮮矣道德之一莫盛于有虞  
之世克全于德者禹益臯陶之外其為諸侯大夫者已相為多  
寡其不能至夫三六而僅有其一二者宜多奮于治世之庸如  
是亦烏得謂之一彼皆昭乎其宣明肅乎其祇敬有者無如弃  
于無而無者不以忌乎有多者不敢病乎少而少者無所愧于  
多雖有三六之未備與夫一二之僅有卒謂之咸事于時然則  
所謂九者何嘗不全而又焉有不一者哉有虞之君子所以為  
盛臯陶所以得悉其盛而日之執其言而知之靜言而壬色者  
不得廁于其間今之君子則異于是有者以傲无而无者以嫉  
有多者以之病人而少者以為人愧偏黨反乎皇極惡戮汨其  
彝性志不通乎天下而倍不同與斯世其患非一日之積也无



彝性志不通乎天下而倍不同與斯世其患非一日之積也无

者既已嫉矣少者既已愧矣非夫有者之能致無多者之能容  
少吾又何望焉今之君子有而多者既莫如先生且將有大位  
于朝也必有所治也必有所教也以平康者治以中和者教忘  
所有以矜有而無者將日進于有舍所多以從少而少者將日  
勉于多然後其進而勉者受之可得而知施之可得而事也融  
叶偏黨泯絕惡數叙常倫以還大中而君子之德不為徒全矣  
非先生其孰為之予竊為先生望之矣郡博士紀君其賢能知  
先生之德者欲有以贈先生而予為之序

二游草序

汪道昆

明興經術為政故左聲詩 孝 武以來駸駸右矣嘉隆則東  
南蔚起風雅在焉浙江為百谷王蓋人文藪也顧希聲間作卒  
以經術先鳴往予與元美同朝始得舜舉舜舉朝太僕而夕司  
馬不啻壇坫之奉桓文與之言詩悉中肯綮叩其所自得恂恂



若不耐言異日者賈勇先登必其人也及予以迎親得請舜舉  
守在蘭臺適金吾小有言謫邊邑尉浮沉郎署亦越十年遽進  
藩臬下大夫南出粵北入晉出則操功令都儒宗入則治軍興  
備邊境周游幾五千里稱請幾五千言猶之龍章鳳儀得麟羽  
可概見乃今元美已矣子亦絕境外交舜舉自閩致書兼二游  
草猥云索居久矣願受繩墨之言其時則分部福寧予故治兵  
地也聞島夷將大舉先聲薄閩舜舉坐而籌之殆將賦詩卻敵  
居有頃行邊使者出山西舜舉乃從量移得代行矣予聞之古  
昔詩窮而工又嘗聞之先聖先師詩可以怨夫風雅之變類多  
隱約之思當其放逸流離菟積而飈發猶之雷伏而奮蠖屈而  
伸不期工而工則鬱鬱者之為也不得耐無怨已怨則憤故  
多溢怒之詞懷沙之忠履霜之孝至今誦之要其歸則憤矣舜  
舉自南宮見坐隸邊鄙旅市朝即南海山西退然從大夫後不



可謂不窮矣及其登高而賦結客而吟高則羅浮太行廣則河汾滄海莫不本之以溫厚出之以和平取材以大代三唐取法以濟南江左時而慷慨時而畚容瀲灩乎治世之音怨于何有閩草雖未及見殆將探赤水而得玄珠是行也却而不前乃復遭其窮矣陶陶然歛遂其志憤悃不入于心業于是而益工司命氏將為舜舉地也他山之石可以攻玉又誰怨乎東歸而弔瑯琊願以斯言質元美

王尉功德記序



何喬遠

城郭阨肆高門密闈地之倍也則必居岩觀川茅茨水竹以清之肴酒徵逐輕綃跼履人之倍也則必臨池作賦茗鐺芒履以遠之薄書獄訟析揚鞍蓋吏之倍也則必招游彼都挹損內交為民興治久遠之務計其足以田廬衣食者芟除闡燁以安靜之故夫倍與雅對廉與貪對直與譎對誠與佞對廉直與誠雅



之徒也貪倍與佞倍之徒也其為人也  
不倍則其守必不貪其行必不譎其心  
必不佞而端人正士也幾矣海寧王君  
鳳岡來尉武榮一歲餘一日叩予門求  
通予不知鳳何如人意其以當事通邑于  
諸公折節為禮耳一日其邑之文學先生  
徐君則備述王君所以不倍之寔而廉直  
真誠具備之予閱唐人遺事得一襄陽尉  
其上官饋魚于尉尉不在治妻卻不納其  
上官曰吾得二賢世人徒知梅福脫屣棄  
官為仙舉而如襄陽尉者乃直尉也則以  
得二名君之堂而君欣然謂予會其意益  
與予習予暇過君君則能詩能畫潔治一  
室花卉襟列文酒錯陳條然物外之致徐  
攷君所以尉者皆為邑修築壞城開濬畝  
澮橋梁道路除治闢蠲其為事也其詳而  
為力也不費有可以羨不入私橐復益己  
祿以治他務上官愛君有如親子弟君視  
長官有如父兄視其邑之士大夫青衿子  
文學非其所師則師友也君既



肝胆相示予亦意氣盡傾而益知君幾正人端士無疑矣夫君  
之善畫予所謂居岩觀川茅茨水竹以清之者也君之善詩予  
所謂臨池作賦茗鐺芒履以遠之者也君之為吏予所謂為民  
興治久遠計其足以田廬衣食而安靖之者也人倍之而我自  
不倍由乎我者也我固不倍而人俗之由乎人者也君今作鎮  
于建寧之西安古人所謂得一障而乘之有可以不倍自在邊  
將行也交游父老刻君所以不倍之政予亦為不倍之文弁首  
而贈君

唐睢陽太守忠節許公故廟碑

談遷

翳我蓋官有忠節許公殉睢陽以障江淮輕七尺以安九廟生  
致東都畢命偃師在至德二載之十月旬日賊遁返葬故里不  
至腐烏為而飽狐兔幸難之亟濟也公墓楊園村見宋圖經  
明田叔禾云墓洛塘南意其皆馬鬣崇封蘋藻修潔寧惟是三



尺之士已也宜有廟而掌故失載臨安志雙廟縣西塘同光二  
年建由今思之洛塘南故廟因雙廟而故也至德二載迄唐末  
百四十餘年安有曠代之久墟墓生哀不廟貌其間以懟碧血  
于萇弘荐金甲于汧督乎故廟之初其專祀公無疑也第安石  
之白碑未勒申胥之祠額易訛于是丘壟禾黍門祚荆棘農夫  
牧豎鮮識壽春之面候蟲啼鳥徒聞堊相之陵蒸嘗既闕樵採  
日侵雖非有玉魚金盃神劍磁珠可流發邱中郎之涎而漆燈  
未滅頓值沈彬武庫方營遽直擣里悲乎哉後之人耿耿焉得  
寸則寸得尺則尺寧能追獎忠魂仰安貞魄以全東平之塚樹  
表太師之泉臺哉猶未已也并故廟而佚之眎若下鬼夷于叢  
祠操豚蹄藝瓣香者殆車篝之祝猫虎之功也名寔俱喪盼蠻  
亡聞僅拊公于右沼流忘源顛蒙愚陋嗟嗟如此即忠義之氣  
无所不之非因地為重輕然維桑維梓仍誤襲謬吾未知其可



也廟前銀杏大四人圍相傳公手植歲華而不寔得非黛色參  
天留端人之勁節愛妾餘恨終壯士之枵腹我遷獲稱鄉人私  
淑千載之下俛仰往蹟幸釐正其事以歸之我公遂繫以銘曰  
畢昂星纏腥下土孤城突兀威天斧張牙露吻競狎猱拔營西  
來狂逞怒飢軍厄羸不忍覩天生豪傑亦俘虜晝開毳幙多圭  
組堂堂帝室莫可數太守受刑如縛虎仇目憤鬚壯公府至今  
英靈滿塚樹日霜噴薄雄千古當時權貴俱朽腐睢陽之名猶  
歌舞井里蕭條失故主落落荒祠誰蓋蓋如歸遼鶴問堂廡雖  
修蘋藻神其吐唯公大節開昏瞽使我皇皇求步武故鄉羶穢  
汗南郡地下有知嗟獨苦徘徊遺像泪如雨哀哉斯世唯君圃  
按宋圖經故廟坊洒課民戶月輸錢四貫  
國朝縣志故廟失載歸其重于雙廟也今廟又祀劉文龍謂  
游長安落魄歸婦飲恨死即忠節公姻誠齊東野人之語或



睢陽之難文龍以威誼左右如張中丞陸氏姑之類得列俎  
豆否則公之廟成于文龍許氏不敢忘德也若如俚說則劉  
何自共我睢陽我土人謂劉公孫泄之意為重識其後云

徐烈婦誄有序

書

從一大義殉難恒理此嬰孺共喻而庸倍積曉矣然史乘相沿  
今昔代嬗文姬辱于胡笳致賞蔚宗貴嬪咏于大都流嘆信國  
豈非滔天之勢江湖失其砥柱腥聞之劇椒蘭改其至性乎若  
夫五將之敗千里為墟昆陵之屠億兆併命雖裂肝塗腦洞髓  
潰腸譬之昆岡受焚玉石共燬鄧林方代梓擯等盡也惡足耀  
冰蘖而侈丹鉛哉今吾邑文學徐元嘉之婦曰沈慧淑夙成織  
飪佐讀鷄鳴警旦蛩績終宵內行之嘗未易枚舉日者江左旣  
幸代馬南牧飛鏑驟控橫戈揮及堅城始陷溫室俱傾

少婦辭





浙江圖書館

幸代馬南牧飛鏹聯控橫戈揮及堅城始隘溫室俱傾  
少婦誓





浙江圖書館





浙江圖書館

浙江圖書館善本



甲登記號：007944

一九 年 月 日



浙江圖書館









浙江圖書館



Inches 1 2 3 4 5 6 7 8  
Centimetres 1 2 3 4 5 6 7 8 9 10 11 12 13 14 15 16 17 18 19

**TIFFEN** Color Control Patches © The Tiffen Company, 2007

Blue Cyan Green Yellow Red Magenta White 3/Color Black